

საბუნებისმეტყველო აღმანახის

კუთხე უკან



მანი-მანი



გამოვა დრო-გამომვებით სხვა-და-სხვა სათაურით. წერილები გამოიგზავნება შრომის სტამბაში აღმანახის სახელზე.

გაუძარჯოს ჩვენს ერთობას, თავისუფალ ქეიფობას.



11 594

ლ. გ. გ. 1-00

ამ ბოლო დროს, მეტის-მეტად
შემოიღეს ღვინი, თრთობა,
ლამაშებთან სვევან-კოცნა,
სადღეგრძელო, არშეიება.

სადაც წახვალ და წამოხვალ —
სულ ქეიფი, სულ დღეობა!..
ეს ვაკლასი ჩვეულება
ნეტა როდის მოისწობა?..

ოქმი

ეტადინ-ოსმალეთი

იტალიამ დაიწემა:
ტრიპოლისი ჩემიაო
ჩვენსა პაპებს იგი სხვისთვის
მუქთათ მიუცემიაო.

ეხლა მინდა დავიბრუნო
ან ნებით, ან ძალითაო,
ჩამოდექი ოსმალეთო,
გამოვდივარ ხმალითაო.

ოსმალეთმა შეუთვალა:
ნებით ტრიპოლს არ მოგცემო,
ძალაზედ თუ საქმე წავა —
გვერდებს მოგაჭეხ, იმდენს გცემო.

შენ თუ ხმალით გამოდიხარ,
მე — მზათა მაქვს თოფებით,
ჯარიც კი მყავს, გენაცვალე,
მარტოთ არ ვიმყოფებით.

ეტალიამ გადმოსძახა:
აბა, რას მიედებია!..
შენ მე ომი ვერ მომიგო
არ აგიდგეს გვერდებია.

ვნახოთ ძალა ვის ექნება...
თუ არ მომცემ ნებითაო,
ქალაქს თავზე გადაგანგრევ
ჩემი ზარბაზნებითაო.

ოსმალეთმა შეუძახა:
ზარბაზნები მეც კი მაქვსო,
მგონი ისე მოგაყარო,
ზღვაში იმალივდე თავსო,
არაბებს რომ წამოგისევ —

ასი პათასობითაო,
იმდენ ტყვიებს მოგაყერებთ —
ვერ დათვალათ წლობითაო.

ეტალიას ამ სიტყვებზედ
მართლაც გული მოუვიდა,
და თავისი მეომრებით
საბრძოლველათ გამოვიდა.

მიაყენა ტრიპოლს ჯარი,
ზარბაზნები დაუშინა,
ქალაქი სულ დაანგრია,
მცხოვრებლები დააშინა

და ოსმალეთს შეუთვალა:
ჩემო კარგო ალიაო,
რას იწყებდი ჩემთან ბრძოლას
თუ არ გქონდა ძალიაო.!

ეხლა მაინც დაიჯერე,
ჩემთან ვერას გახტებიაო,
შერიგებასაც მოითხოვე,
მალე, იგრე წახდებიაო!..

ოსმალეთმა აგრე უთხრა:
ჯერ რას იბრაქებიაო,
მე მინახავს სახელმწიფო
შენზედ კარგი ნაქებიაო,
ვინც ქვეყანა გააყრუა
კვებნითა და ქებითაო,
ბოლოს თავი კი ისახელა —
უკან დაიხრებითაო.

ჯერ ადრეა ჩემო ძმაო
მე არ ვიწყებ ბრძოლასაო,
ქვეშევრდომებს თავს მოუყრი
ვალოცვიებ მოლასაო,
და იტალიეთ ჩვენი ლოცვა
თუ ისმინა აალოპაპაო,
მაშინ ერთი იერიშით
გადაგდენით გადაღამაო.

იტალია აქეთ მჯავრობს,
ოსმალეთი იქით სწყურება
და ჩვენც ვნახოთ მომავალში
საქმე რითი გადაწყდება.

ახუნჯი.

ყ ა ნ ა

(მისამცხა)

(სამწყლისო მოთქმას სოფლელებისს)

ყანაა ქვეყნის სამოთხევე,
ჩვენო იმედო, ყანაო!
წელს ცისკრის სხივმაც, შემოგწყრა
და ნამბაც არ დაგბანაო.

დაგიფუჭუნა გრიგალმა
თან სეტყვა მოატანაო
ზედაც დავწყევლა უფალმა
ჩვენი დამშევა ბრძანაო.

ხან გოლვამ ძირი გაგინმა,
ხანაც წაგლეკა ღვარამაო,
არ გაგახარა წვიმებმა
და არც მოგიხსო დარმაო.

რით გადვიხადოთ ბეგარა:
საერობო და დრამაო,
რით დავაპუროთ ცოლშვილი
ხომ ყველას უნდა ჭამო.

ყანაო, სოკოიანო!
ვაი, ნაშრომო ყანაო,
მაღალმა ღმერთმა დასწყევლოს
სხვა წელი ამისთანაო.

შხანკოლო.

ტიკუბი

I

გიტო ყლაპააშვილი.

გიტო ყლაპააშვილი, ზორბა ტა-
ნის ვაჟკაცია. ტანზედ ხშირათ თეთრ
ჩოხას იცვამს, თავზედ ფაფახი, წელ-
ზედ — სატევარი და ხრმალი აქვს გა-
დაკიდებული; დაღის წელში წაფერ-
დებული და ისე წყნარათ, რომ ასე
გვეგონება ეპარება ვინმესაო. რომ
გვერდში გაუვლი, ცალ თვალს და-
ხუჭავს და ისე შემოგხედავს. შემდეგ
წარბებს მოხუშავს, თითქოს ბუზა-
თაც არ ჩავადგებს და შემდეგ დინ-
ჯათ გადასდგამს ფეხს იმ იმედით,
რომ ვინმეს ბუმბერაზათ მოაჩვენოს
თავი.

გიტო ხშირათ ჩამოუვლის ნაც-
ნობებს და სწორედ იმ დროს მიად-
გება კარებზედ, როდესაც ან სადი-
ლია, ან ვახშამი და თავის ხრინწია-
ნი ხმით დაიძახებს:

— გამარჯობა მეგობარო.

— აა, მობრძანდი გიტო, მობრ-
ძანდი, გაგიმარჯოს! — მიესალმება მა-
სპინძელი, — მოიწი სტოლთან ახ-
ლოს.

— სტოლთან რა მინდა!.. არაფ-
რის ჭამა არ შემიძლია, მაღა არა
მაქვს წარმოიდგინე!.. მაგრამ ხო,
სტოლთან მაინც დავჯდები ახლოს.

— ეს კაი სასმელია, გიტო, და-
ლიე თუ კაცი ხარ, — მიაწოდებენ.

— შენ არ მომიკვდე, ერთი წვე-
თის ჩაშობა არ შემეძლოს პირში.
სულ ვერ ვსვამ წარმოიდგინე მაგარ

სასმელებს. (ცალ თვალს დახუჭავს და შეხედავს ბოთლს). ეს შუსტოვის უნდა იყოს არა?!. ხოო, მაგას ქე დავლევ ცოტას. (დაისხამს და გადაჰკრავს) ჩინებულისა, სხვა სასმელს სრულებით ვერ ვეწყობი.

— ღვინო დალიე, გიტო, კაი ღვინოა. (დაუსხამენ).

— შენ არ მომიკვდე, ერთი წვეთი ვერ დავლიო, სრულებით არა ვსვამ ღვინოს, მძულს კიდევაც. (ბოთლს შეხედავს), ეს კახეთია ხომ არაა?.. მაგას კი დავლევ ცოტას. (გადაჰკრავს). შენი ჭირიმე რა ღვინოა, (კიდევ ასხამს) ერთსაც დავლევ, ასეთი კარგი ღვინო ჯერ არ დამიღვინია წარმოიდგინეთ.

— გოჭი მიირთვი, გიტო. კარგი გოჭია, (მუიჩოჩებენ).

— რაც უნდა იყოს პირის დაკარება არ შემიძლია, ნუ ირჯებით, ბატონო. გოჭი ისე მძულს, რომ მეტი არ შეიძლება. (დააქვერდება ცალ ბარკალს), ცოტას ვკამ რადგან კარგი შემწვარია ეტყობა. (მოსდობს ჩანგალს) ერი ჰაა! რა მშვენიერი გოჭი ყოფილა. ამის ქამით ვერ გაძლება კაცი. ამაზედ სასმელსაც დავლევ ერთს (დაისხამს და იღებს ქაქას).

— უკაცრავათ გიტო, ეგ შუსტოვის არ არის, სარაჯევის არის, აქედან დაისხით — მიაწოდებენ მეორე ბოთლს.

— ნუ სწუხდებით, ბატონო, სულ ერთია გადაჰკრავს) საუცხოვოა მე და ჩემმა ღმერთმა. სარაჯევის მაგარ სასმელებს ძალიან ვეწყობი.

— აგერ ინდაური, ქათამი, მიირთვი გიტო, რომელიც გნებავთ. (გადმოუღვამენ).

— ნუ სწუხდებით, არაფრის ქამა არ შემიძლია. მედა ჩემმა ღმერთმა ძალიანი სტოლის გაწყობა კი იცით (ინდაურს შეხედავს). ეს ინდაური აქაურია? ძალიანი მსუქანი კია.

— არა, ინდაური სოფლიდან ჩამოვიდა გიტო, ქათამი კი აქ ვიყიდე.

— როგორ იცით ყველაფერი!.. ქათამი სოფლური სრულებით არ იქომა, სამაგიეროთ, ინდაური იქაური—საუცხოვოა. (მიატყებს ბარკალს ინდაურს და ქამს). შენ გენაცვალე, რა საქმელია, სულ სხვა გემო აქვს ბატონო სოფლის ინდაურს.

ასე ამგვარათ იბაასებს გიტო, სანამ სუფრა საგრძობლათ არ შეთხელდება, ხოლო შემდეგ გამოემშვიდობება მასპინძელს და დინჯათ, თავ-მომწონეთ გაუდგება სახლისაკენ.

— მადლობა ღმერთს, ეშველა, — წამოიძახებს დიასახლისი, — სწორეთ სულელია მაგი უბედური. რაცხას ისეთს იტყვის, რომ სიცილს ვერ შეიკავენ კაცი, საჯჯერ პირზე ხელ აფარებული გავდვი მეორე ოთახში. მოდი და იფხუტუნე სტოლზედ.

— ვინ არის მაგი კაცი, — შეეკითხება სტუმარი.

— რა ვიცი ბატონო, ვინ არის, იმერელი არის კი ვიცი და გიტო ქვია წინათ სამსახურში ყოფილა, ეხლა კი ასტავკაშია. ასთე დაძვრება ყველგან... ზოგან სადილზე მივა, ზოგან ვახამზედ და ზოგანაც ჩაიზე, მხოლოთ საქმელის ქამის მადა კი არსად არა აქვს მაგ უბედურს.

გესლანო.

გ ა მ ო ც ა ნ ა .

ხან ქუჩაში, ხან სახლებში, მუდამ ტურასავით ძვრება!.. უფრო ხშირათ იქით მიდის, სადაც კარგათ გამოძლება!..

ნაფოტებით თავი მოსწონს, იბერება, — სხვებს კი სწუნობს!.. შრომა რაა სულ არ იცის, ლუკმისათვის მაიმუნობს.

იგივე.

რჩევა-დარიგება

ერთი ინგლისელი ჰოქტი ამ დარიგებას აძლევს იმას, ვისაც ცოლის შერ-

თვა ქსურს: „შეირთე ცოლი სიყვარულით, თუ გაიდა მართლად ნამდვილი ცოლი გვეჩადეს. თუ ფულის გულისათვის შეერთავ, მაშინ ცოლი კი არა, „ბატონი“ იქნება. თუ იმისთვის შეერთავ, რომ დიდ-კაცობაში ფეხი მოაკიდო და ადგილი მოაბოგო, მაშინ ცოლი კი არა — „ღამა“ იქნება.

ცოლს ეყვარები, „ბატონი“ შეგიწყალებს, „ღამა“ — შეგიწყინებს შეკინდობს. ცოლი შენთვის იქნება, „ბატონი“ — თავისთვის, „ღამა“ — საზოგადოებისთვის და სტუმრებისთვის.

თუ ავთ განდები: ცოლი მოგიფლის, „ბატონი“ — ხანდახან დაგხედავს, „ღამა“ — მოკითხვით გიკითხავს. ცოლი ჭირს და მწუხარებას შუა გავყოფის, „ბატონი“ — შენს ფულს, „ღამა“ — ვადებში ჩავსვამს. როცა აღსრულდება: ცოლი გიტორებს, „ბატონი“ — შეკებრადებს, ვაი საწყალო, „ღამა“ — შვევებში მოერთყვება.

ჩიბაა ღების გოდება.

თუთხმეტ თუმნათ ცხენი ღირდა, მივაჩუქეთ დომიტრასო, ვიფიქრეთ „სტარშინა“ არის მაგიერ კარგს ჩვენც გვიზამსო.

გადიჯგომა, გადობრანწა, ვინცხა დიდი გეგონება!.. „იმას“ რომ ფეხებს ულოკავს, ჩენი რას მოეგონება?!.

გზებზე პირუტყვი გვეხრობა, არსით არ გვაქვს საშვალება, ბოქაულმა მიგვიწერა, აღარც მისი ეყურება!..

მის ცხენსაც ვერ მოუარა, მოჰპარავს და ჩვენ გვაბრალებს!.. დღე გვაცდენს, ღამე — გვახრობს, მან აცის და ჩვენ გვაწვალებს!..

რა დრო დადგა! ყველაფერზედ ყველანი ჩვენ გვაჩანჩალებს, გაქცევს რომ ვერ ეწვიან — შინ გვიპრანწვენ მართლცხს თვალებს!..

ცხვირ-ხაკრავი.

სპარსეთის შახის ხელმეორედ გაპარვა



ყოველ-კვირა დაფიანჩალობ
ჩემი ბარგი-ბარხანიითო!..
ქარაფანი დაშვალა
ამოდენა ხახანიითო.

ტახტზე ასეღა დავაბრე,
მაგრამ საქმე წამიხთაო,
ისევ წავალ ადესაში —
გავიპარვი ღამითაო.

იგაკვი

„შენ შეიწყალე უფალო“.

ცხოვრობდენ ერთი ცოლქმარი
საწყლათ და ღარიბულათა,
დაუზოგავად ხარჯავდენ
გროში თუ ჰქონდათ ფულათა.

როდესაც დააკლდებოდათ
მეზობლებიდან ვალობდენ,
შრომა კი ეზარებოდათ,
იმისთვის არა სცალოდენ.

ეგრე ზარმაცი ცოლ-ქმარი
უფალომა გაიძულია

და ერთ საღამოს, საწყალ ქმარს
ამოაცალა სულია.

ცოლი დამქრივდა საწყალი
დაიწყო მოთქმა-გოდება,
(აგრე იციან ხომ მუდამ
როდესაც ვინმე მოკვდება)!

წესის აგებას შეუდგენ
მონახეს მღვდელი ტერტერა,
იმნაც არ დაიზარა
და ხელათ მოებენტერა.

საცეცხურს ხელი მოჰკიდა
და წამოიწყო გალობა:
„ღმერთო მოხედე მონასა
შენსა, მიეცი წყალობა“.

ცოლმა დაიწყო ტირილი:
— ჩემო ძვირფასო ქმაროვო,

კარგი გუნების იყავი,
მუდამ ეამს უწყინაროვო,
რომ დამიბარე, ტერტერას
მიეცი ჩემი ცხენიო,
სიტყვას არ გავტებ გენაცვა,
აღსრულდეს ნება შენიო“.

ტერტერა იქნევს საცეცხურს:
— მიყვარდა ცხონებულოო,
„შენ შეიწყალე უფალო,
მიცვალე ბულის სულიო“.

— რომ დამაბარე გენაცვა:
ჩემი ძროხა და ხაროო,
ყველა ტერტერას აჩუქე,
სამადლო საქმე არიო“,
სულ ყველას მივცემ იცოდე,
და არც ქე შეწყინებოა,

აღსრულდეს შენი ანდერძი,
აღსრულდეს შენი ნებაო.

ტერტერა ამბობს: —საწყალსა,
რა კარგი გული ქონდაო,
„შენ შეიწყალე უფალო,
მაგისი სული ცხონდაო“.

— რომ დამიბარე, გენაცვა:
„რაც რომ ყუთში მაქვს ფულათო,
ოცდა სამეტი მანეთი

ტერტერას მიე სრულათო,
ჩემს მაგიერობას გიზამს,
მოგხედავს, გიპატრონებსო“.
მერწმუნე ასეთს ანდერძსა
სულ ყველა მოგიწონებსო.

ტერტერა იქნევს საკეცხურს:
— „უფალო შეიწყალეო,
მე გიპატრონებ, მოგხედავ
ჩქარ-ჩქარა, მალე-მალეო“.

— რომ დამიოწმე, გენაცვა:
„თუ ვინმემ რამე განდოსო
და ის ორმოცი თუმანიც
ტერტერამ გადიხადოსო“.

შენი განზრახვის ჭირიმე,
შენს ანდერძს ვენაცვალეო,
ტერტერას ისე უყვარხარ
ყველას გადიხდის მალეო.

ტერტერა გარბის კარებში:
— დაიქცეს თქვენი რჯულიო!..
არ მინდა თქვენი ქონება,
არც მინდა თქვენი ფულიო,

ცოლი და ქმარი ყოფილხარო
ორთავე დაღუპულიო,
შენ შეაჩვენე უფალო
მისი ხორცი და სულიო“.

ქალაქელი.

სიზმარ-ცხად

ერთმა ქართველმა,
მოღვაწემ, ძველმა,
ნაქვედარზელ რომ დაიძინა.

დაალო ხახა,
სიზმარი ნახა:

„ლამაზი გოგო იწვა მის წინა!..

მოხვია ხელი,
უკოცნა ყელი,
სიხარულისგან გაკმინდა ენა.

არცქე იფიქრა,
გულში ჩაიკრა
და ვადიგორა უკანისკენა!..

ამ განცხრომაში
და ღიდ შრომაში,
გამოეღვიძა, დაუფრთხა ძილი,

ელდა დაეცა,
დაენგრა ზეცა,

მკლავებში ჰქონდა ბალიში რბილი!.. და უსასტუმლოთ გადაათენა.

უფრო გაცხარდა,
უფრო გამწარდა,
შორს გაუფრინდა ქეიფი, ლხენა,
დაეცა მესი,
ბალიშს ჰგრა ფეხი

მუშტი.



ასმალეთის ბედ-იღბალით
მეზობლებმა იწყეს შური!..
ეხლა ბრძოლა რომ გაჩაღდა
ყველამ გამოცქვიტა ყური.

ზოგმა ჩოხა შეაქუცა,
ზოგმა კიდევ — ახალუხი,
ენახოთ როგორ გათავდებო
ზარბაზნების ქახა-კუხი.

ანებლობა.

მოლა მასრადინას მოსწრებულა სიტყვები.

ერთს დღეს მოლა მასრადინას ბაღში სხვისი ხარი შესულიყო და ხეხილი გაეფუტებინა. გაიგო თუ არა მოლამ, ხარს კეტით გამოუდგა, მაგრამ ვერ დაეწია. საღამოზედ შინ დაბრუნების დროს მოლას გზაზედ ურემი შეხვდა და ურემში შებმული ერთი ხარიც იცნო, მაშინვე მივარდა და ხარს ცემა დაუწყაო. მეურმემ შეაყენა და გაოცებით ჰკითხა:

— რისთვისა სცემ ჩემს ხარს, რა დაგიშავაო?

— შენ გაჩემდი, ამან თავისი დანაშაული თითონვე კარგათ იცის, და აკი ამიტომა ხმასაც არ იღებსო, უპასუხა მოლამ.

ერთს დღეს მოლა მასრადინა და იმისი ერთი შეგირდი სანადიროდ წავიდნენ. ნადირობაში დათვის ბუნავს მიადგნენ.

— აბა შეძვერ ბუნავში და ნახე, შიგ დათვი არის; თუ არაო, უთხრა მოლამ შეგირდს.

შეგირდი ბუნავში შევიდა თუ არა ამ დროს შორიდგან მომავალა დათვიც გამოჩნდა. მოლამ ბუნავში მიმავალ დათვის კუდში ხელი მაგრათ წაავლო და ბუნავში არ უშვებდა. ამ ქიდაობაში ბუნავი მტვრით აივსო, და მტვრისაგან შეწუხებულმა შეგირდმა მოლას გამოსძახა:

— მოლა, აგრე რათ ამტვერდა, ლამის მტვრისაგან დავიხრჩოვო!

— თუ დათვის კუდი ხელში არ მექიროს, მაშინ ნახავ ამტვერებასო, მიუგო მოლამ.

მოლა მასრადინა თავის მეზობელს ცხენს ევაქრებოდა და ოთხ თუმნათ მოუტრიადა.

— ეხლა ოცდა ხუთი მანეთი მიიღე და თხუთმეტი ჩემზედ დარჩესო, უთხრა მოლამ. მეზობელი დასთანხმდა. რამდენსამე თვის შემდეგ მო-

ლას მეზობელი ეწვია და ის თხუთმეტი მანეთი ვალი მოსთხოვა.

— განა პირობა ისე არ იყო, რომ თხუთმეტი მანეთი ჩემზედ დარჩესო? ეხლა რომ ავიღო და მოგცე, მაშ ჩემზედ რაღა დარჩება ამითი ხომ ჩვენი პირობა დაირღვევაო? უთხრა მოლამ.

მოლა მასრადინას სახლში ქურდები შევიდნენ და, რასაც მოასწრეს, წაიღეს. მოლა შემთხვევით გზაზედ შეხვდა იმათ, და თავისი სახლის ავეჯეულობა იცნო. საჩქაროთ წავილა შინ, თითონაც ერთს ნოხს დაავლო ხელი, გაახვია და იმათ გაპყვა. ქურდები ერთს სახლში მივიდნენ, ნაპარევი დააწყვეს და დასასვენებლათ წამოწვნენ. მოლაც შეპყვა თავისი ნოხი ძირს დაავლო და ჩამოჯდა დასასვენებლათ. გაოცებული ქურდები დაეკითხნენ:

— რაო! რისთვის მობრძანდი!

— როგორ თუ რისთვის? განა აქ არ გადმოვსახლდი? ეს არ იყო, ჩემი ბარგი თქვენ გადმოიტანეთ?

მოლა მასრადინამ რამდენიმე გირვანქა ბამბის ძაფი იყიდა, გამხმარ ვირის თავზედ დაახვია და ხარაზთან წაიღო გასასყიდათ. ხარაზმა გორგალი ხელში აიღო თუ არა, ემძიმა და ექვ ალებით უთხრა:

— მოლა, ეგ გორგალი მძიმეთ მეჩვენება როგორღაც და შიგ ქვაკი არ იყოს ჩატანებულო!

— რას გაგიუბულხარ, ქვა კი არა, ვირის თავიაო, უთხრა მოლამ და ხუმრობაში გაატარა; როგორც იყო, მიჰყიდა, ფული გამოართვა და წავიდა. საღამოზედ ხარაზმა გორგალი გამოახვია და ნახა, რომ მართლა ვირის თავი იყო შიგ. ხარაზმა მოლას უჩივლა. როცა მოლა დაიბარეს სასამართლოში და ჰკითხეს, მიუბრუნდა ხარაზს და უთხრა:

— როცა შენზედ ვყიდდი, შენ არ მითხარ, „შიგ ქვა არ იყოს ჩატანებულო“? და მე შენ არ გიპა-

სუხე, რომ „ქვა-კი არა, ვირის თავია“ მეთქი. ამ გვარათ თავიგამართლა მოლამ.

კინტოს მოსწრებული სიტყვები.

ერთი კინტო მებულკესთან შევიდა და სდობნი მოითხოვა. როდესაც სდობნი მოუტანეს, დახედა და ნახა, რომ ძველია.

— მებულკე!— დაუძახა მან მებულკეს, — წაიღე, ჩემო ძმაო, ამ სდობნის მაგივრათ ბულკი მომიტანე. მოუტანეს ბულკი. როდესაც შექამა, წამოდგა და ისე გავიდა გარეთ, რომ მებულკეს ფული არ მისცა. მებულკე წამოეწია და უთხრა:

— შენ ეი, ბულკი სქამე და ფულს კი არ იძლევი?

— რა ბულკი, რა ფული? შენ სიზმარში ხომ არა ხარ? ბრმა იყავი, ვერა ნახე, რომ ბულკში სდობნი მოგეცი?!

— მაშ რადგან აგრეა, სდობნის ფული მომეცი.

— კაცო, ქენ ზემო ეტაჟაში ხომ არ გიქმითინებენ? რა სდობნის ფული უნდა მოგცე? სდობნი არ იყო რომ უკანვე წაიღე?! გიყია?!

ერთმა კინტომ წყალზე ვირი ჩაიყვანა წყლის დასაღვეინებლათ. როდესაც ვირმა წყალი დალია და გაძღა, წასვლა დააპირა, მაგრამ კინტომ დაიჭირა და პირი ისევ წყალში ჩაუყო. ვირი თავს ზევით იწვედა და არა სვამდა. ამაზედ კინტომ ვერ მოითმინა და წარმოსთქვა:

— ჩემმა მზემ ვირი ჩემზე კვიანია, ეს ერთი რახან გაძღა, მორჩა, მეტს აღარა სვამს, მე კი, რაც უნდა ვირივით გავძღე, მაინც კიდევ ვსვამ და ვქელუტამ!..

ერთ მანდილოსანს კვერცხები უნდა ეყიდნა და შეეკითხა კინტოს:

— კვერცხებს როგორა ჰყიდი?

— წყვილი ოარი შაური, — უპასუხა კინტომ.

— რა ამბავია, ეგრე სიძვირე? გა-

ნა შეიძლება, რომ ადამიანმა წყვილ კვერცხში ორი შაური მისცეს? წინათ ორ შაურათ ათ კვერცხსა ვყიდულობდით.

— ის ღრო წავიდა, მადამჯან! ეხლა სხვა ღროა და! ეხლა ყველა მამლებმა ზაბასტოვკა ქნეს და, შე დალოცვილო, მე ხომ არ დავიწერ ქათმებზე ჯვარსა?!

ერთი ბერძენი და კინტო ალაპა-რაკდენ; ბერძენმა უთხრა:

— ვის ედავები შე სულელო! გაგეგება რაზე საბერძენთზე?

— ვა! რასა ყვირი ევე! რასა ყვირი? უპასუხა კინტომ.

— როგორ თუ რასა ვყვირი? ყვეწო! კიდევაც რომ მედავები? შენ იცი რა დიდებული წარსული ჰქონდა საბერძენთს? იმას ვერც ერთი მხარე ქვეყანაზე ვერ შეედრება: ყველა ჰკვიანი, ყველა ფილოსოფოსი საბერძენეთიდან გამოვიდნენ.

— პა! პა! პა! — გაიკვირვა კინტომ. მაგრამ თუ კი ყველა ჰკვიანები გამოვიდნენ საბერძენეთიდან, მაშ იქ მხოლოდ შენისთანა სულელები და დარჩებოდნენ რაღა!

პოლემიკა

ასკანელი პრაკოფიას გამოსულა „სინათლეში“ და იძახის „ვაი-ვაის“ ნემსი მოხვედრის უელში.

რადგან თვისი ნემსის წვერი მას გაჩრია უანუტოში, სხვაი რაღა ეკადრება, მაყაძახთ: „ჩოქში, ჩოქში“.

— ჩემო კარგო, ასკანელო, — ასე გეტყვის, კვირხილაო, — შენს ბიჭბასს მამეინ ვნახავ, როცა თვალით გიხილაო, შუბლში რომ დაგეტაკები, გადაგიყვან ვარსაო, მაწას ცხვირით დაგახნიებ მაკ რიონის ბიძასაო.

ლექსის წერა თვარ იცოდი, ვინ გატანდა ძალასაო!.. შენს ქეხბოში დადგობდი რას იფხანდი ქაღასაო!..

აღარც რიფმა, არც ხუმრობა, ილანძლები პრეზითაო, პატრონი რომ კოვარგოდეს აგატრელებს როზგითაო. რა ხანაა, ცნობილი ხარ პრესის მანანხლათაო, სადაც ნახავ ნავების გოდორს ეჩხირები ძალათაო, ესლა კიდევ გამოსულხარ ისეთ „სინათლეშიაო“ რომ აშკარათ დაგვარაბო ტალახში და მტყერშიაო.

კვირხილა.

პროვინცია

ოზურგეთი.

სახალხო სამკითხველო გვაქვს და მირთლავ რომ — სახალხოა, რადგან, ქართული გაზეთი შიგ მარტოკა „სახალხოა“!..

ვერ იშოვით რომ ვინდოდეს, ვერც „კოლხიდას“ და ვერც „მნათობს“, სჩანს რომ სამკითხველოს გამეგე ყომაზედ მეტს უიარათობს.

რუსული კი — დუთის წინაშე ბლომით არის სკითხავი, ალბათ ფიქრობს: დროიანთ განვითარდეს წამკითხავი,

თორემ ისე რა გავიგოთ რუსულს რისთვის ეტანება, როცა ქართველ მკითხველთათვის აგრე რიგათ ენახება.

ნიხური.

ჩიბაოი.

ძალიანი გაგვეხარდა რა შივიდეთ ჟაია-ჟია თქვენ ხომ ვარგხართ, ჩემიღ ნახეთ: რასაც მოგწერ ერთს არ ვსტყუი.

დღეს ლანჩხუთში გავიარე რა გაიმბო უცხო ფერს სასოფლო გზებს აკეთებენ არ მოგესწრია ჯერ ამფერის!..

წარმომიდგა ჩვენი გზაი, გავიფლგე ნატურა გულში: ღმერთო, ღმერთო, კენტო ჩხრიალი მომასწარი ჩვენს ჯურღმულში.

ცხვირ-საკრავი.

იქიდანვე.

თუთხმეტი დღე არის რაც ხატები და ხეისთავები სოფლის სასამართლოშია კერძოთ მამასახლისის ცხენის ქურდს დაქებენ. თვითონ ვარბენ სხვაი იქ არავინ ჭეყვენ და ბოლოს შემდეგ რე-ზოლიუცია გამოიტანეს:

ვინც გაადო ჭისკარო, ცხენის ქურდიც ის არიო.

იგივე

რეკლამები.

1.

ლალიძის ლიმონათები, ყველაზედ უკეთესი. იგი რომ კაცმა დალიოს რიგი არის და წესია.

ჯერე არის და ნაღული, ფილტრებშიც გავლებულია, სურნელება აქვს ისეთი გაგიცოცხლებდა გულია.

წინათ კი — ყველასა ჯობდა ტფილისში — „სტარი ზემელი“, მაგრამ ბოლო ხანს მოაკლდა ძველი პატრვის მცემელი,

ეხლა, მართლაც რომ ყველაზედ კარგი — ლალიძის წყალია. იგი რომ კაცმა დალიოს წესი და სამართალია.

(2—1)

2.

ვეგე ტფილისში ბრძანდებით, საღამო არის, თუ გზია, ყველაზედ კარგი ვახშამი იცოდეთ, ახალ კლუბშია.

მწვადები „ციპლიატები“ — ათ შაურათ ღირს პორცია, პოვრები — გამოცდილია, ახალ-ახალი ხორცია.


თან ვახშამსა სქამ, თან ლოტოს წითამაშებ წყარათა, იქნება ფულიც მოიგო გუნების გასახარათა.

ბევრი გვინახავს ჩვენ იქა, ვახშამის ფული არ ქონდა, ვახშამიც ქამა, ღვინოც სვა, ჯიბითაც ბევრი გაქონდა.


(10—1)

მატარებლით მცხეთაში მოგზაურობა 1 ოქტომბერს

3 144 [1911]



მატარებლის შიგნით და მატარებლის გარეთა მხარე.



სს. სს. მცხეთის მუზეუმი
 აკად. ი. გრიშავას
 ბიბლიოთეკა-მუზეუმი
 Библиотека-Музей
 имени
 Акад. И. Гришавина
 Академия наук ГССР